

孫氏醫學叢書

傷寒雜病論讀本

冊七

S294

1160

1部7



傷寒雜病論讀本卷一

湘潭孫鼎宜撰

六經總論

病有發熱惡寒者發于陽也無熱惡寒者發于陰也

六經見證大略

○發于

陽者七日愈發于陰者六日愈以陽數七陰數六也

六經愈期大略

○傷寒

一日大陽受之脈若靜者為不傳頗欲歐若躁煩脈數急者逆為傳

也憑脈以定大陽病之傳與不傳

○二三日陽明少陽證不見者為不傳也

憑證以定陽明

少陽病之傳與不傳

○三日少陽脈小者欲已也

憑脈以定少陽病之欲已

○三陽當盡三

陰當受邪

謂三日時也

反能食而不歐此為三陰不受邪也

此章二節首言陰陽傳病

之常次言三陰不受邪之證

○六七日無大熱其人躁煩者此為陽去入陰也

三陽

受病傳入三陰之證

○表解而不了了者十二日愈

表解後再定全愈之期就大陽以例其餘

大陽總論

大陽之為病脈浮頭項彊痛而惡寒

此大陽病提綱

○至七日已上自愈者

以行其經竟故也。若欲再傳經者，鍼足陽明，使經不傳則愈。經竟自癒之理

及使經不傳之法，就大陽以例其餘。

○若欲自解者，必當先煩煩，迺有汗，隨汗而解，脈

浮故也。

大陽自解，脈證。

○欲解時，從巳盡未上。

愈有定時。

大陽經病

發熱汗出惡風，脈緩者，名曰中風。○脈陽浮而陰弱，陽浮者熱自發，陰弱者汗自出。嗇嗇惡寒，淅淅惡風，翕翕發熱，鼻鳴乾嘔者，桂枝湯主之。○發熱汗出者，此為營弱衛強，故使汗出，欲救邪風者，主之。○病人舊無他病，時發熱自汗出而不愈者，此衛氣不和也。先其時發汗則愈。○病常自汗出者，此為營氣和，營氣和而汗不解者，此衛氣不和也。營行脈中，為陰主內；衛行脈外，為陽主外。復發汗，衛和則愈。○外證未解，脈浮弱者，當以汗解。○初服湯，反煩不解者，先刺風池，風府，卻與則愈。○喘家加厚朴杏仁，佳。右八章，桂枝湯正治。○桂枝湯本為解肌，若脈浮緊，無汗者，不可與也。常須識此，勿令誤也。○酒客病，得之

則歐以酒客不喜甘故也○凡服湯吐者其後必吐膿血也

右三章桂枝湯

禁用○或已發熱或未發熱必惡寒體痛歐逆脈陰陽俱緊者名曰傷

寒○頭痛發熱身疼要痛骨節疼痛惡風無汗而喘者麻黃湯主之

○自衄者愈○不發汗因致衄者主之○八九日不解服藥微除發

煩目瞑劇者必衄衄迺解陽氣重故也○脈浮者病在表可發汗○

脈浮而數者可發汗○浮爲風數爲虛風爲熱虛爲寒風虛相搏則

發熱灑淅惡寒也○脈浮而緊浮爲風緊爲寒風傷衛寒傷營營衛

俱病骨節煩疼可發汗

右九章麻黃湯正治

○假令尺中脈遲者不可發汗此

爲營氣不足血微少故也○咽喉乾燥者不可發汗○淋家發汗則

便血○創家雖身痛發汗則瘕○衄家不可發汗汗出必額上陷脈

促急而緊目直視而不能眴不得眠○亡血家發汗則寒慄而振○

汗家重發汗必恍惚心亂小便已陰疼可與禹餘糧圓

右七章憑脈證以定發汗

之禁就麻黃證以例其餘○表不解心下有水氣乾歐而效或渴或利或噎或小

傷寒雜病論讀本

卷一、大陽經病

一二中華書局聚

便不利。少腹滿。或喘者。小青龍湯主之。○服湯已而渴者。此寒去欲

解也。

右二章。小青龍湯正治。

○脈浮緊。不汗出而煩躁者。大青龍湯主之。若脈

微弱。汗出惡風者。不可服。服之則厥逆。筋惕肉瞤。此為逆也。○脈浮

緩。身不疼。但重。乍有輕時。無少陰證者。主之。

右二章。大青龍湯正治。并誤用變證。

○脈

浮大者。醫反下之。此為大逆。

憑脈先定。誤下之禁。

○外證未解者。不可下也。欲

解外者。桂枝湯主之。○先發汗不解。而復下之。脈浮者。不愈。浮為在

外。當須解外則愈。○氣上衝者。可與用前法。若不上衝者。不可與之。

○微喘者。表未解也。桂枝加

厚樸杏仁

湯主之。○身疼痛。脈沈遲者。

桂枝增芍

藥生

薑。加人葶湯主之。○又手自冒心。心下悸。欲得按之。

桂枝甘草湯主之。○未持脈時。師因教試。令歛。而不即歛者。此必兩

耳無聞也。以重發汗。虛故如此。○身重心悸者。當自汗出而愈。以尺

中脈微。此裏虛。須表裏實。津液自和。便自汗出愈。

右八章。桂枝麻黃救誤之法。

○以

火熏之。不得汗。其人必躁。到經不解。必清血。名曰火邪。○火邪者。桂

枝去芍

藥

加蜀漆龍

骨牡

蠣救逆湯主之。○亡陽驚狂起臥不安者

主之

右三章誤
火治法

○微數之脈慎不可灸。因火爲邪則爲煩逆。追虛逐

實。血散脈中。火氣雖微。內攻有力。焦骨傷筋。血難復也。○脈浮熱甚而反灸之。此爲實。實以虛治。因火而動。咽燥必吐血。○邪無從出。病從要已下。必重而痼。名曰火逆。○火逆下之。因燒鍼煩躁者。桂枝

草龍

骨牡

蠣湯主之

右四章誤
灸治法

○大陽傷寒。加溫鍼必驚也。○燒鍼

令其汗。鍼處被寒。核起而赤者。必發奔豚。氣從少腹上衝心者。灸其核上各一壯。桂枝加桂湯主之。

右二章誤
燒鍼證治

○服桂枝湯。大汗出。若脈

但洪大者。復與如前法。若形如瘧。一日再三發者。汗出必解。宜桂枝

二麻黃一湯。○熱多寒少。脈微弱者。此無陽也。不可更汗。宜桂枝二

越脾一湯。○如瘧狀。不臥。清便續自可。脈微緩者。爲欲愈也。脈微而

惡寒者。此陰陽俱虛。不可更汗。吐下也。面色反有熱色者。未欲解也。

以其不能得小汗出。身必痒。宜桂枝麻黃各半湯。○脈浮而遲。面熱

赤而戰惕者。六七日當汗出而解。反發熱者。差遲。遲為無陽。不能作

汗。其身必痒也。右四章如瘡證

救誤總論

發汗後。不可更行桂枝湯。若汗出而喘。無大熱者。可與麻黃杏仁甘

草石湯。○下後。不可更行桂枝湯。若汗出而喘。無大熱者。可與麻

黃杏仁甘草石湯。○已發汗。吐下溫鍼而不解者。此為壞病。桂枝

湯不復中與也。觀其脈證。知犯何逆。隨證治之。○凡病。若發汗吐下

若亡血。無津液。而陰陽自和者。必自愈。右四章言無論何項誤治。總以見證施治為的。

太陽府病

小便利者。以飲水多。必心下悸。小便少者。必苦裏急也。○發汗後。飲水多者。必喘。以水灌之。亦喘。○水藥不得入口。為逆。若更發汗。必吐下不止。○發熱六七日。不解而煩。有表裏證。渴欲飲水。水入即吐者。名曰水逆。五苓散主之。多飲煖水。汗出愈。○脈浮而數。復煩渴者。主

之○汗出而渴者主之。不渴者茯苓甘草湯主之。○齊下悸者欲作

奔豚茯苓苓桂枝甘草大棗湯主之。○服桂枝湯或下之仍發熱無汗

心下滿微痛小便不利者桂枝加茯苓苓朮湯主之。右八章五○吐後

渴欲得水貪飲者文蛤湯主之。兼主微風脈緊頭痛。文蛤證○下利歐

逆表解者迺可攻之。熱熱汗出發作有時頭痛心下否堅滿引脅下

痛乾歐短氣汗出不惡寒者此表解裏未和也。十棗湯主之。十棗證○

熱結膀胱其人如狂血自下下者愈其外未解者宜桂枝湯外解已

但少服急結者宜桃仁承氣湯。熱結膀胱治分表裏法○表證仍在而反下之

脈微而沈反不結胸其人發狂者以熱在下焦少腹當堅滿小便自

利者下血乃愈以大陽經瘀血在裏故也。抵當湯主之。○身黃脈沈

結少腹堅小便不利者爲無血也。小便自利其人如狂者血證諦也

○少腹滿應小便不利今反利者爲有血也。當下之不可餘藥宜抵

當圓。右三章抵當湯及圓證治

傷寒雜病論讀本 卷一 大陽府病 四 中華書局聚

陽明總論

陽明之爲病胃家寒也。

綱提

○傷寒三日陽明脈大。

陽明定脈

○問曰陽明

病外證云何。答曰身熱汗自出不惡寒反惡熱也。○問曰病有得之

一日不發熱而惡寒者何也。答曰雖得之一日惡寒將自罷即自汗

出而惡熱也。○問曰惡寒何故自罷。答曰陽明處中主土萬物所歸

無所復傳故始雖惡寒二日自止也。

右三章辨論陽明經證

○本大陽病發汗

汗洗出復不徹因轉屬陽明也。○發熱無汗歐不能食而反汗出濇

濇然者是爲轉屬陽明也。○轉屬陽明者其人濇然微汗出也。○問

曰何緣得陽明病。答曰大陽病若汗下利小便亡其津液胃中乾燥

不更衣內實也。○問曰病有大陽陽明有正陽陽明有少陽陽明何

謂也。答曰大陽陽明者脾約是也。

脾當作陽字誤

正陽陽明者胃家實是也。

少陽陽明者發汗利小便已胃中煩燥熱大便難是也。

右五章辨論陽明轉屬

○欲解時從申盡戌上。

此統經府言

○趺陽脈數胃中有熱則消穀引飲

大便必堅。小便則數。○脈浮爲陽。芤爲陰。浮芤相搏。胃氣生熱。其陽則絕。○芤而有胃氣者。浮之大而濡。微按之芤。故知有胃氣也。○陽明脈微而汗出少者。爲自和也。汗出多者。爲大過。陽明脈實。因發汗。汗出多者。亦爲大過。大過則陽絕于裏。亡津液。大便因堅也。○夫病陽多者。熱下之則堅。汗出多。極發其汗。亦堅。○趺陽緊爲痛。浮爲虛。虛則腸鳴。緊則堅滿。○脈浮爲陽。滑爲實。陽實相搏。其脈數疾。衛氣失度。浮滑數疾之脈。發熱汗出者。此爲不治。○直視譫語。喘滿者死。若下利者亦死。

右八章辨實熱脈證

○趺陽濇者。胃中有寒。水穀不化。○趺陽

緩爲寒。遲爲虛。虛寒相搏。則欲食溫。假令食冷。則咽痛。○脈弱者衛氣微。遲者營中寒。營爲血。血寒則發熱。衛爲氣。氣微者心內飢。飢而虛滿。不能食也。趺陽大而緊者。當卽下利。爲難治。○趺陽浮而遲者。故久病。羸而浮者。其病難治。○胃中虛冷。不能食者。飲水則噦。攻其熱。亦必噦。以其人本虛故也。○大吐大下之。極虛。復極汗者。其人外

珍微宋版

氣怫鬱復與之水以發汗因得噦胃中寒冷故也○脈浮大醫反下之浮則無血大則爲寒寒氣相搏則爲腸鳴醫迺不知而反飲冷水令汗大出水得寒氣冷必相搏其人卽餒跌陽浮爲虛浮虛相搏故令氣餒言胃氣虛竭也脈滑則爲噦此爲醫咎責虛取實守空迫血脈浮鼻中燥者必衄也○脈遲爲寒緩爲氣寒氣相搏轉絞而痛○寸脈微尺脈緊而濇緊爲寒微爲虛濇則血不足故知發汗而復下之也緊在中央知寒尙在此本寒氣何爲發汗復下之邪

右九章辨虛冷脈證

○跌陽虛則遺溺實則失氣○夫實則譫語虛則鄭聲鄭聲者重語

也

右二章分虛實法

陽明經病

脈浮滑此表有熱裏有寒白虎湯主之○諸亡血及虛家卒得之腹痛而利者但可溫之○無汗其表不解者不可服渴欲飲水無表證者加人蔘主之○無大熱口燥渴心煩背微惡寒者主之○誤後表

裏俱熱時時惡風大渴舌上乾燥而煩欲飲水數升者主之○服桂

枝湯大汗出後大煩渴不解若脈洪大者主之右六章白虎證○無汗小便

不利心中懊懣者發黃○被火額上微汗出小便不利者必發黃○

自汗色赤者不可攻之必發熱色黃小便不利也○發汗已身目爲

黃以寒溼相搏在裏不解故也以爲不可下也于寒溼中求之○瘀

熱在裏麻黃連軹赤小豆湯主之○發熱者梔子甘草槧皮湯主之

○發熱汗出者此爲熱越不能發黃也但頭汗出身無汗齊頸而還

小便不利渴引水漿者茵陳蒿湯主之○如橘小便不利腹微滿者

主之右八章發黃證○誤後煩熱胸中窒者梔子豉湯主之○心中結痛者

主之○手足溫不結胸心中懊懣若飢不能食但頭汗出者主之○

虛煩不得眠若劇則反覆顛倒心中苦痛懊懣者主之若少氣者梔

子甘草豉湯主之若歐者梔子生薑豉湯主之○心煩腹滿臥起不

安者梔子厚樸枳實湯主之○身熱不去微煩者梔子乾薑湯主之

傷寒雜病論讀本 卷一 陽明經病 六一中華書局聚

○凡用梔子湯病人舊微瘧不可與服之

右七章梔子輩證

陽明府病

乾嘔吐涎沫頭痛者吳茱萸湯主之○食穀欲嘔者主之得湯反劇

者屬上焦也

右二章吳茱萸證

○脈浮而遲表熱裏寒下利清穀者四逆湯

主之

右四逆證

○病凶上諸實胸中鬱鬱而痛不能食欲使人按之反有

涎唾下利日十餘行其脈反遲寸微滑此可吐之利則止○病如桂

枝證頭不痛項不彊寸脈微浮胸中否堅氣上衝咽喉不得息者此

爲凶有寒也當吐之宜瓜蒂赤

小

豆散諸亡血虛家不可與之

右二章瓜

蒂赤豆散證

○發汗不解腹滿痛者急下之宜大承氣湯○小便不利大

便乍難乍易時有微熱喘冒不能臥者有燥矢也○發熱汗多者急

下之○目中不了了睛不和無表裏證大便秘難身微熱者此爲實也

○腹滿不減減不足言當下之○繞臍痛煩躁發作有時此有燥矢

故令不大便也○譫語有潮熱反不能食者必有燥矢五六枚也若

能食者。但堅爾。○大下後六七日不大便。腹滿痛者。此有宿食也。○

不大便至十餘日。日舖所發潮熱。不惡寒。獨語。如見鬼狀。若劇者。發

則不識人。循衣摸牀。怵惕不安。微喘直視。脈弦者生。濇者死。微者但

發熱譫語。大承氣湯主之。若一服利。勿更服。右九章大承氣證○汗多。津液

外出。胃中燥。大便必堅。堅者必譫語。小承氣湯主之。若一服譫語止。

更莫復服。○脈滑疾者。與湯一升。腹中轉氣者。復與一升。若不轉氣

者。勿與之。明日猶不大便。脈反微濇者。裏虛也。爲難治。不復更與也。

右二章小承氣證○潮熱。大便微堅者。可與大承氣湯。不堅者。不可與之。△

若不大便六七日。恐有燥矢。欲知之法。可少與小承氣湯。轉氣者。迺

可攻之。若不轉氣者。攻之必腹張滿。不能食也。欲飲水者。與之卽噦。

其後發熱者。必大便復堅而少也。以小承氣湯和之。○脈弱。無大陽

柴胡證。心下堅。至四五日雖能食。以小承氣湯少與微和之。令少安。

至六日。與一升。不大便。至七日。小便少者。雖不大便。但頭堅後溏。未

傷寒雜病論讀本 卷一 陽明府病 七 中華書局聚

定成堅攻之必漉當須小便利矢定堅迺可攻之

右二章
試下法

○汗出而

譫語者以有燥矢在胃中此爲風也須下之過經迺可下之下之若

蚤語言必亂以表虛裏實故也○本自汗出醫復重發汗病已差微

煩不了了者大便已堅也以亡津液胃中乾燥故令其堅當問其小

便日幾行若本日三四行今日再行者津液當還入胃故知不久必

當大便也○下之心中懊懣而煩若胃中有燥矢者可攻若腹微滿

頭堅後漉者不可攻之

右三章
議下法

○若中寒不能食小便不利手足攣

然汗出此爲欲作堅也必大便頭堅後漉以胃中冷水穀不別故也

○歐多雖有陽明證不可攻之○欲吐者不可攻之○當心下堅滿

者攻之遂利不止者死利止者愈○尺脈弱濇者不可下○諸外實

者不可下下之則發微熱亡脈則厥當齊發熱○諸虛者下之則渴

引水者易愈惡水者劇○大下後口燥者裏虛也

右八章
忌下法

○不吐不

下而心煩者調胃承氣湯主之○吐後腹張滿者主之○譫語者內

有熱也。當以湯下之。若小便利者。大便當堅。而反下利。脈調和者。知醫以圓藥下之。非其治也。若自下利者。脈當微厥。今反和者。此爲內實也。右三章調胃承氣證○自汗出。若發汗。小便自利者。此爲津液內竭。矢雖堅。不可攻之。當須自欲大便時。宜蜜煎導而通之。若土瓜根及豬膽汁。皆可以道。右道法三方

少陽病

少陽之爲病。口苦。咽乾。目眩也。○兩耳無所聞。目赤。胸中滿而煩者。不可吐下。吐下則悸而驚。右二章少陽提綱并吐下二禁○欲解時。從寅盡辰上。○

往來寒熱。胸脅苦滿。默默不欲飲食。心煩喜嘔。或胸中煩而不嘔。或渴。或腹中痛。或脅下否堅。或心下悸。小便不利。或不渴。身有微熱。或欬者。小柴胡湯主之。○血弱氣盡。腠理開。邪氣因入。與正氣相搏。結于脅下。正邪分爭。往來寒熱。休作有時。默默不欲飲食。藏府相連。其痛必下。邪高痛下。故使嘔也。右二章小柴胡證



二陽併病。

珍做宋版印

〔兩經併病〕能食者爲中風。不能食者爲中寒。○脈浮而緊者。必潮熱。發作有時。但浮者。必盜汗出。○但頭眩。不惡寒。故能食而欬。其人咽必痛。若不欬者。咽不痛。○反無汗。而小便利。二三日。歐而欬。手足苦厥者。必苦頭痛。若不歐。不欬。手足不厥者。頭不痛。○脈浮。發熱。口乾。舌燥。能食者。卽衄。○口燥。但欲漱水。不欲咽者。必衄。○法多汗而反無汗。其身如蟲行。皮中之狀者。此爲久虛故也。右總論七章○脈遲。汗出多。微惡寒者。表未解也。宜桂枝湯。右桂枝證○脈浮。無汗而喘者。發汗則愈。○喘而胸滿者。不可下也。麻黃湯主之。右二章麻黃證○項背彊。八八反汗出惡風者。桂枝加葛根湯主之。中風治法○無汗惡風者。葛根湯主之。○自利不歐者。主之。○不下利。但歐者。加半夏主之。右三章二陽傷寒治法○大陽初得病時。發汗。汗洗出。復不徹。因轉屬陽明。續自微汗出。不惡寒。若大陽證不罷者。可小發汗。設面色緣緣正赤者。陽氣怫鬱在